

Dari Sebulan ke Sebulan

Harga barang-barang membumbung tinggi di Indonesia.

Rakyat berasa sempit dan di sana sini mereka berarak menunjukkan perasaan tidak puas hati keadaan hidup rakyat yang makin menderita. Di sana sini rakyat mengeluh. Setengah-setengahnya terpaksa makan sehari dan setengah-setengahnya menderita lapar – memakan apa yang boleh dimakan dan barang yang tidak pernah dimakan.

Penanggungan yang diderita oleh bangsa Indonesia diperhati dan diberi timbang rasa oleh bangsa-bangsa dalam dunia lain. Amerika Syarikat telah banyak memberi bantuan-bantuan yang bersifat ekonomi, untuk membantu rakyat Indonesia.

Bantuan yang akhir dicadangkan oleh Amerika Syarikat dalam bantuan ekonominya, kepada rakyat Indonesia, menerusi komplotnya Sukarno sebanyak 17 milion ringgit Amerika. Adakah bantuan ini dapat meringankan bebanan umat Indonesia. Sehari sebelum bantuan itu diberi Sukarno telah memesan ke Amerika tiga buah kapal terbang yang bom jet berharga 20 milion Amerika. Orang tertanya-tanya: Apakah duit untuk membantu ekonomi rakyat yang menderita itu lebih utama mengadakan alat senjata?

Sukarno – Hai Sukarno, berkelilinglah dengan alat senjata namun *malik al-mawt* mesti datang apabila saatnya sampai ((Karno)), kata *malik al-mawt*, ((Engkau tidak akan dapat lari!)) yang tinggal hanyalah laknat daripada umat yang menderita, terutamanya dari umat Islam yang telah dijahah olehnya. Pembalasan Tuhan tentu akan tiba! Percayalah!

Suatu badan mencegah kelaparan telah ditubuhkan

dengan rasminya dengan tujuan yang sebaik-baiknya supaya orang-orang dalam negeri ini terjauh daripada kelaparan dan terjauh daripada kurang sihat disebabkan kekurangan vitamin-vitamin terutamanya untuk penduduk-penduduk kampung yang jauh dari bandar.

Usaha bersiap payung sebelum hujan ini adalah suatu yang baik dan bagus asakan¹ sahaja usaha-usaha kepada tujuan ini diamalkan dengan sewajarnya.

* * *

Gunung agung di Bali, telah meletup. Banyak korban yang berlaku. Lebih daripada seribu orang yang mati. Lahar telah turun dengan banyaknya. Abunya terus sampai ke tanah Jawa. Barangkali sudah meletus gunung Krakatau, inilah peletusan gunung berapi yang hebat di Pulau Jawa. Sukarno tergesa-gesa menghantarkan wakil peribadinya untuk datang melihat keadaan di pulau itu. Apakah kerja yang ditugaskan oleh Sukarno, sebagai ketua negara kepadanya? Tugasnya ialah melihat keadaan istananya di sana. Apakah istananya itu terselamat atau tidak. Rakyat bagaimana? Masa bodoh, rakyat boleh cari jalan sendiri – mati habis perkara. Mengapa Sukarno sayang kepada istananya di Bali, lebih sayangnya daripada kepada rakyat jembel? Jawabnya – tau sama tau – kan Bali itu ((syurga dunia)), bidadarinya cantik-cantik, gadis-gadisnya mudah didapat.

sambungan ke muka 42

¹ Perkataan sebenar ialah asalkan

(sambungan dari muka 6)

umum diketahui kalau banyak dapat gadis kan dikatakan ubat muda. Sukarno mau terus muda sebab itu ia lebih utamakan tempat peranginannya daripada lain-lain perkara. Begitulah di Indonesia – di antara ((pemimpin negara)) dengan rakyat jelata.

* * *

Musim haji telah tiba. Di Mekah berhimpulah umat Islam dari seluruh dunia Islam kerana menunaikan fardu haji. Tahun dahulu di sana diadakan muktamar Islam dan wakil bagi Malaya dan Singapura telah pun dilantik oleh muktamar itu iaitu orang yang dikenal mereka, iaitu Dato' Syed Ibrahim bin Umar al-Saqqaf. Hampir setahun telah berjalan. Khabarnya Dato' Syed Ibrahim akan ke Mekah pula akan hadir di dalam muktamar itu dengan sifatnya sebagai wakil umat Islam Singapura khususnya seperti yang dikhabar. Ini bagus, cuma orang hanya mau tau, apakah dengan nama umat Islam itu hanya semau-maunya sahaja membawa usul? Orang-orang tentu ingin pula tahu adakah beliau pernah meminta fikiran orang-orang atau badan-badan Islam di Singapura dan Tanah Melayu tentang perkara-perkara yang difikirkan patut? Sesungguhnya tidak bijak langkah seperti ini – fikiran dan pendapat ramai tidak diminta.

* * *

Encik Yusof bin Ishak, Yang Dipertuan Negara Singapura, dengan kurnia Allah, akan belayar menunaikan fardu haji ke *Bayt Allāh al-Harām* bersama-sama dengan isterinya, Puan Noor Aishah. Pemergian ini adalah menjadi bukti, bahawa beliau adalah seorang pemeluk agama yang tawaduk kepada Allah. Semoga Allah memberi rahmatnya dan

menyelamatkan perjalanananya pergi dan balik dan

mudah mudahan hajinya *al-mabrūr – Āmīn*.

* * *

Terbit daripada Konfrontasi Indonesia kepada Malaya, maka Malaya sekarang terpaksa bergiat untuk menambah kekuatan pertahanannya, terutamanya alat senjatanya untuk menghadapi segala kemungkinan yang dilakukan oleh Sukarno yang berangan-angan hendak membesarkan daerahnya terutamanya ke daerah-daerah yang kaya seperti Malaysia. Langkah ini disokong rakyat sepenuhnya terutamanya oleh pihak-pihak pembangkang, dikecualikan PAS. Melihat gelagat ini Subandrio menyatakan bahawa rakyat Indonesia hampir-hampir ada seratus milion banyaknya. Tentunya rakyat yang banyak akan mudah menakluk rakyat yang sedikit yang berada hanya tujuh milion. Kalau perkiraan ini dipakai tentunya benar sebab kalau 100 milion orang Indonesia dapat dikerah Sukarno untuk kencing sahaja, tentunya di Malaya akan banjir. Tetapi Sukarno melupakan psikologi yang lain bahawa orang-orang di Malaya sihat-sihat, cukup makan, tidak makan tikus, sedang rakyat Indonesia kerana perbuatan Sukarno, kelaparan dan menderita dan setengah-setengahnya sudah tidak punya baju lagi. Mungkin¹ kalau Sukarno memerintah terus mereka akan balik asal, ambil daun-daun untuk pakaianya. Adakah yang banyak seperti ini akan berfaedah? Ini apa lagi orang-orang di Malaya tahu bahawa saudara-saudaranya di seluruh Sumatera, Kalimantan Utara dan Sulawesi tunggu saatnya sahaja untuk menggulingkan Sukarno. Lihatlah kelak buktinya!

* * *

¹ Perkataan sebenar ialah mungkin

Jabatan Agama Islam Kedah dalam perkara berpoligami menyatakan penyelesaian terhadap sikap setengah-setengah anak-anak Islam yang masih terpengaruh dengan fahaman-fahaman yang salah dan berani berkata siang-siang hari: Islam sendiri mengharamkan poligami dengan membawakan pengertian)) jika tidak dapat berlaku adil, maka beristerilah satu.) Mereka memahamkan, kata jabatan itu, bahawa Tuhan mengharuskan poligami dengan bersyarat. Iaitu disandarkan kepada firman Allah yang menyatakan bahawa tidak sekali-sekali kamu berkuasa mengadakan keadilan di antara isteri-isteri kamu, sekalipun sebenarnya kamu ingin hendak mendirikannya. Menurut jabatan itu perbuatan ini memesongkan kehendak-kehendak itu padahal agama Islam meluluskan dengan tidak bersyarat dengan membawa beberapa alasan kuat dan *ma'qūl*.

Perkara ini sepatutnya disemak semula oleh Jabatan Agama Selangor dan pihak berkuasa di Singapura yang dinasihati oleh ahli-ahli penasihat Islam Singapura memerhatikan persoalan ini. Ahli-ahli ((cerdik pandai)) di majlis itu harap berfikiran waras mendirikan hak-hak Islam jangan diperkosa sehingga ada umat Islam sekarang yang dihukum kerana melanggar undang-undang negeri bernikah dengan tidak menyatakan ada isteri lain. Kepayahan mereka. Kalau disebut ada isteri. *Chief Kadi* yang diberi kuasa enggan menikahkan sehingga berpuas hati kepada syarat-syarat yang dikehendakinya yang tidak ada dikehendaki oleh syarak. Begitulah nasibnya umat Islam.

* * *

sedang melawat Tenggara Asia sekarang berada di Indonesia menyatakan bahawa Menteri Pertahanan Rusia itu berjanji akan membantu lagi alat-alat pertahanan Indonesia. Bagus Karno, beras dan pakaian tidak diperlukan untuk rakyat yang menderita. Yang perlu senjata iaitu untuk langkah menindas rakyat dan untuk menyerang negeri orang bagi meluaskan jajahan takluk. Supaya ia nanti jadi ((King Nero))

* * *

Tahun 1963 telah berjalan memasuki bulannya yang keempat sekarang. Sehingga kepada empat bulan ini, ahli-ahli Majlis Penasihat Islam Singapura yang habis masanya akhir tahun 1962 belum berganti lagi. Belum isytihar lantikan-lantikan baharu diadakan. Apakah lantikan-lantikan ini tertahan kerana telah berlaku ribut-ribut terhadap kepada perkara-perkara Mahkamah Syariah pada penggal-penggal akhir tahun tahun 1962? Orang ramai bertanya-tanya. Ada setengahnya memandang bahawa harus sedang dipilih calon-calon baharu yang layak dan boleh diharap untuk mempertahankan hukum agama yang tidak akan melembutkan gigi daripada lidahnya atas soalan-soalan yang bertentangan dengan syarak. Kalau sangkaan ini benar, disyukuri. Tetapi ada juga orang menyangka bahawa sedang dicari ((yang boleh dicucuk hidungnya, yang pakai ((XXX cologne)) sahaja atau mana patut sahaja)) supaya mudah dibuat sesukanya kemudian dikatakan

sudah dinasihati oleh majlis apabila hendak mengemukakan sesuatu kepada umum. Kalau ini benar sangat didukacitakan, sebab nanti tiap-tiap perkara yang dikemukakan jadi ribut, sebab umat Islam tidak akan mau diam.

Buat lakukan gertak-gertaknya kepada Malaya, Subandrio harus telah minta kepada Menteri Pertahanan Rusia yang